

საექთნო საქმის პრიორიტეტულობა და არსებული პრაქტიკის მიმოხილვა  
საქართველოში

მარიამ ამბროლაძე

*სამაგისტრო ნაშრომი წარდგენილია ილიას სახელმწიფო უნივერსიტეტის ბიზნესის,  
ტექნოლოგიისა და განათლების ფაკულტეტზე*

ბიზნესის ადმინისტრირების მაგისტრის აკადემიური ხარისხის ჯანდაცვის  
მენეჯმენტში მინიჭების მოთხოვნების შესაბამისად

სამაგისტრო ნაშრომის ხელმძღვანელი : ირმა კირთაძე, ასისტენტ პროფესორი

ილიას სახელმწიფო უნივერსიტეტი

თბილისი, 2021

## განაცხადი

”როგორც წარდგენილი სამაგისტრო ნაშრომის ავტორი, ვაცხადებ, რომ ნაშრომი წარმოადგენს ჩემს ორიგინალურ ნამუშევარს და არ შეიცავს სხვა ავტორების მიერ აქამდე გამოქვეყნებულ, გამოსაქვეყნებლად მიღებულ ან დასაცავად წარდგენილ მასალებს, რომლებიც ნაშრომში არ არის მოხსენიებული ან ციტირებული სათანადო წესების შესაბამისად“.

მარიამ ამბროლაძე

ხელმოწერა:



03.07.2021.

## აბსტრაქტი

ექთნის როლი დიდია დაავადების პროფილაქტიკის, მკურნალობისა და რეაბილიტაციის პროცესში. მნიშვნელოვანია მათი ჩართულობა ჯანდაცვითი ღონისძიებების ორგანიზებასა და განხორციელებაში, როგორც ფრონტის ხაზზე, ასევე მენეჯერულ დონეზე. UKCC-ს (United Kingdom Central Council), WHO-ს (World Health Organization), ფონდ “კურაციო“-სა და სხვა ორგანიზაციების მიერ ჩატარებული კვლევებით დასტურდება, რომ საექთნო საქმეში მნიშვნელოვანია ადეკვატური ტრენინგის შესაძლებლობის მიცემა, ასევე როლებისა და კომპეტენციების გაფართოება. ამავდროულად ნაჩვენებია ექთნების რაოდენობის დეფიციტი და ადამიანური რესურსის საერთაშორისო სტანდარტებთან შეუსაბამობა. კვლევის მიზანია შევისწავლოთ ექთნის პროფესიის პრიორიტეტულობა საქართველოში, მიმოვიხილოთ არსებული მდგომარეობა და შევისწავლოთ ის ღიობები და გამოწვევები, რომლის წინაშეც დგას ექთნის პროფესიული განვითარება.

ჩატარებულ თვისებრივ კვლევაში მონაწილეობა მიიღო ქ. ქუთაისის რამდენიმე კლინიკის ექთანმა, ასევე ყოფილმა ექთნებმა, სულ - 16-მა რესპონდენტმა. ჩარღმავებული, ინდივიდუალური ინტერვიუებიდან გამოიკვეთა, საექთნო საქმეში არსებული პრობლემები: საექთნო მედპერსონალის დეფიციტი, შეუსაბამო სამუშაო პირობები, ზეგანაკვეთური დატვირთვა, დაბალი შრომის ანაზღაურება და უწყვეტი განათლების დაბალი ხელმისაწვდომობა. ყოველივე ზემოთჩამოთვლილი კი განსაზღვრავს დარგის არაპრესტიჟულობასა და პერსპექტივის არარსებობას.

საექთნო საქმის არაპრესტიჟულობის პრობლემა გლობალური ხასიათისაა. დარგი არა მხოლოდ საქართველოში, არამედ ევროპის ბევრ ქვეყანაშიც არ სარგებლობს დიდი პოპულარობით, რასაც ადასტურებს ფაქტი, რომ საექთნო საქმეში პრობლემურია სამუშაო პირობები და დატვირთვა.

ძირითადი საძიებო სიტყვები: პერსპექტივა, საექთნო საქმე, დეფიციტი, გადაწვის სინდრომი, ზეგანაკვეთური დატვირთვა, დაბალი ანაზღაურება, უწყვეტი განათლება.

## **Abstract**

The role of the nurse is great in the process of disease prevention, treatment and rehabilitation. Their involvement in the organization and implementation of health measures, both at the front line and at the managerial level, is important. Studies by the UKCC (United Kingdom Central Council), WHO (World Health Organization), the Curatio Foundation, and other organizations show that it is important to provide adequate training in nursing, as well as to expand roles and competencies. At the same time, there is a shortage of nurses and non-compliance with international human resources standards. The aim of the research is to study the priorities of the nursing profession in Georgia, to review the current situation and to study the openings and challenges that the professional development of nursing faces.

Nurses from several clinics in Kutaisi, as well as former nurses, a total of 16 respondents participated in the qualitative study. In-depth, individual interviews revealed problems with nursing: shortage of nursing staff, inadequate working conditions, overtime, low pay, and low access to continuing education. All of the above determines the non-prestige of the field and the lack of perspective.

The problem of non-prestige of nursing is global in nature. The field is not very popular not only in Georgia, but also in many European countries, which is evidenced by the fact that working conditions and workload are problematic in nursing.

Keywords: Prospect, Nursing, Deficit, Burn Syndrome, Overtime, Low Pay, Continuing Education.